



# 平定陝甘新疆 回匪方略

(六)

〔清〕奕訢等 奉敕纂

《新疆文库》编辑出版委员会


新疆文化出版社



# 平定陕甘新疆 回匪方略

(六)

〔清〕奕訢等 奉敕纂



《新疆文库》编辑出版委员会  
新疆文化出版社



图书在版编目(CIP)数据

平定陕甘新疆回匪方略:共13册/[清]奕訢等奉敕纂.  
—乌鲁木齐:新疆文化出版社,2016.10  
ISBN 978-7-5469-8851-1

I. ①平… II. ①奕… III. ①明清时期战争—史料  
IV. ①K248.06

中国版本图书馆CIP数据核字(2016)第270260号

新疆  
文库 《新疆文库》编辑出版委员会

平定陕甘新疆回匪方略

编 纂 [清]奕訢等

责任编辑 吴晓霞

设计总监 宁成春 刘堪海

编务总监 周 轩

出 版 《新疆文库》编辑出版委员会  
新疆文化出版社

地 址 乌鲁木齐市经济技术开发区科技园路5号

邮 编 830026

电 话 (0991)3773949

制 版 新疆文化出版社美术编辑部

印 刷 中华商务联合印刷(广东)有限公司

版 次 2017年5月第1版 第1次印刷

开 本 889毫米×1194毫米 1/16

印 张 507.75印张

字 数 4062千字

印 数 1-1500册

定 价 1780.00元(全十三册)

《新疆文库》官网网址:<http://www.xjwenku.com>



欽定平定陝甘新疆回匪方略卷二百二十

十二月初八日己亥楊岳斌奏言據署甘涼道黎

獻稟稱十月初八日南山一帶有西甯大通賊

匪竄擾當派遊擊楊天興帶隊堵禦賊由山邊

潛入肅城十一日夜繞襲我軍後路羅鑑督隊

力拒適值火藥延燒當率親兵救護賊亦退去

十四日楊天興帶兵馳回賊出千餘騎要截我

軍失利十六日臨水後路糧臺又被米拉溝竄

匪攻破軍心不固因卽潰散現存兵二千移紮

金塔寺請催成祿等軍西行等語臣聞之下勝

焦灼因在水埠河抽出兩營交總兵王仁和管

帶前赴平番相機進剿提臣成祿前已派總兵

趙德正統率兩營赴援大靖查大靖與平番相

近鶴齡一軍現在平番之連城臣仍咨會成祿

鶴齡兩軍乘勢夾擊勿使西竄黎軍自潰散後  
 合之張大倫王斌等軍二千餘眾猶可再振臣  
 現飭黎獻收復潰卒會合各軍協剿惟此次援  
 賊屬至雖由藥盡糧絕以致潰退而該道既不  
 能豫防於前復不克堅持於後咎實難辭相應  
 請

旨將署甘涼道黎獻先行摘去翎頂以示薄懲

同日成祿奏言刻因黎獻一軍失利請援又聞  
 鎖罕頭大股賊匪欲撲涼郡分擾省垣臣以平  
 番雖蘭省咽喉而涼州為出關後路未敢顧此  
 失彼當經飛咨督臣撥營防守平邑仍飭鶴齡  
 暫紮連城靜候更替臣親率全軍星夜進發比  
 我軍抵涼而大靖土門賊圍正急當飭趙德正  
 管帶親舊二營先往赴援行至隴城七十里之

李家東莊地方安營甫定賊匪大至四面圍攻

臣聞報後督率馬天祥等各營連夜進援次日

距趙德正之營十餘里挖壕築壘賊知大兵繼

至夤夜分股來撲我軍固守營柵約計馬賊數

千步賊萬餘更有大車數百運載輜重裝曳柴

草填塞道路密布二十餘里將後隊數營層層

圍困我軍併力衝突一可當百賊衆晝夜環攻

被圍五日糧路斷絕掘取草根野芋充飢臣重

加激勵各營將士奮勇齊出立潰重圍賊勢不

支敗退三十餘里我軍一面窮追一面拔營進

紮與趙德正之營聲勢聯絡臣恐衆寡不敵飛

檄涼州緣營官兵百名添助親兵又調滿營壯

丁三百列成後隊遙爲聲援至十五日黎明賊

果擁衆前來臣豫飭各營無與接仗待其氣衰

平定縣志卷之三十三

三

然後奮擊賊眾紛紛亂竄自相踐踏我軍乘勢

攻撲奪獲擡槍十餘桿戰馬數十匹器械旗幟

無算十六十七等日賊匪逐日挑戰我軍奮力

接仗復多斬擒賊自西竄以來初受鉅創遂於

十八日夜半潛行遠遁我軍馬隊過少未能窮

追是役統計斃賊不下二千餘名而旬之間疊

獲全勝合無仰懇

天恩俯准臣彙案保奏以示鼓勵所有尤為出力之總

兵銜儘先副將趙德正等先行開列請

旨從優獎勵陣亡都司徐安邦等並請從優

賜卹至陣亡弁兵趙鴻升等三十五名由臣造冊報部

彙請優卹日來大靖又復被圍請援甚急臣因

鶴齡一軍尙緊連城飭令就近赴援並飛咨督

臣撥營往助緣臣所部過單勢難兼顧且准黎

獻呈稱退駐金塔各營潰散遂飭馬天祥等管

帶新舊四營復派巴革河南知縣寶璽督率新

募一營剋期進發先保甘州高臺等處並收合

黎獻散卒俟臣後軍繼進大舉恢復刻下賊勢

猖獗馬賊尤多臣前派遊擊丁文學等星夜回

豫招募數營咨由山西司庫撥發銀三千兩以

備長途口食臣馬隊不過百騎前以都興阿馬

軍甚夥奏請分撥數起實於彼軍毫無所損而

於臣營大有裨益仍祈

飭下都興阿酌撥馬隊一二起迅由草地馳赴臣軍聽

候調遣至臣軍營日食麩斤暫資民力敷衍所

需月餉全無著落昨准四川督臣駱秉章咨稱

解銀二萬兩轉運秦州又准陝西撫臣劉蓉咨

覆每月籌撥數千無法設措等情是臣軍餉既

平定縣志卷之三十三

三



覺虛懸而甘州以西蓋藏早盡更虞枵腹惟有

籲懇

天恩嚴諭各省大吏設法協濟徑解山西由草地解赴

臣營庶足以資飽騰而免譁潰

成祿又奏言據永昌協穆克登布等稟報南山

踞逆於十月二十六日直撲新城堡水泉等處

經該營都司永恰布及該縣知縣阿爾薩蘭督

率官兵民團奮勇前往堵剿行至距城二十里

與賊接仗因眾寡不敵立時潰敗把總秦殿試

陣亡永恰布尙無下落該縣潰圍馳回料理城

守請援前來臣現飭馬天祥等星速赴援并飭

寶型先行馳赴永昌保固城防再當整隊前進

逐節勦辦

成祿又奏言鶴齡川兵前在平番因川餉不至

聖裁

相率潛逃經臣痛加懲辦始漸歸伍昨令暫紮

連城現復遣援大靖屢據鶴齡代衆乞憐不欲

西進且川餉欠缺堪憫臣若強爲調取將

士思歸深恐難期得力此項川兵應否遣撤之

處伏候

成祿又奏言臣軍次涼州適鎮迪道文麟入關

來營接見據稱奇台失後退保巴里坤彈丸孤

城人心潰散斷難固守今繞道入關冀請援師


幸遇大兵情願軍前效力等語臣察其情詞懇

切決非取巧規避且昨准督臣來咨業經奏請

將該員留臣軍營自應遵照伏查臣軍糧臺需

員辦理文麟人極老成操守尙好前署藩司於

各屬錢糧虛實素所周知自可設法抽撥且監



司大員呼應較靈合無仰懇

天恩於甘肅藩臬中

欽派一人總理糧餉事務並請

特派文麟督辦臣行營糧臺將來大舉出關即可設局

轉運以專責成

成祿又奏言據涇州知州林發深稟報陝省批

解火藥行抵平涼地方被潰勇搶劫又據山西

軍需局呈稱遵解火藥鉛丸於八月杪起程迄

今未見到營是東路梗塞已可概見合無仰懇

天恩傳諭山西撫臣嗣後凡遇各省運解軍火協濟餉

項改由山西出口行走草地徑送臣營以昭慎

重而免阻滯

同日聯捷奏言疊據甘肅回目穆生花陝西回

目孫義章分遣回民馬翼如等來營求撫經臣

再三面詢僉稱回民起釁非敢別有異謀實由

漢人逼迫官吏偏袒是以鋌而走險今得跪聆

聖諭只分良莠不分漢回仰見

聖德如天不肯滅絕回教情願悔罪投誠只求貸其一

死使甘回得以復業陝回得以還鄉但回民有

新教老教之分東也西也之別人數衆多現散

處於鞏昌狄道河州洮州岷州平番蘭州靖遠

至德聖訓卷之三十一 九

甘州等處情願分投勸令一律歸正如有不遵

擬卽自行翦除只求將此次稟帖代爲具奏俾

下情得以

上達等語事關重大不敢壅於

上聞謹鈔錄該回目等疊次來稟封送軍機處備查

聯捷又奏言前據靈州回目馬朝清遞稟投誠

昨復呈請繳械經臣差人前往甯靈兩城查看

城內衙署民房均尙完好回漢民人亦俱安堵

甯夏回民現具請撫稟帖復派回目吳鳳儀等

親來臣營懇請收撫臣諭令暫回靈州聽候據

情代奏謹將馬朝清並甯夏回民來稟一併鈔

錄封送軍機處備查

聯捷又奏言據管帶馬隊營總博多洪武管帶

步隊連九舉等稟稱甘肅兵燹連年商販絕跡

糧草昂貴該馬兵應領鹽折馬乾以甘省市價

計之日僅得錢二百餘文卽按月發給亦不敷

一人一騎之用乃積欠至三月有餘人食楚糠

馬齧枯草且天氣嚴寒體無完衣數月以來兵

丁病故不少馬匹倒斃亦多若各省協餉再事

遲延萬難支持請飛催協餉等語臣前因月餉

不繼已將新收海字二營勇丁遣散一半查北



路賊衆不下七八萬臣以飢軍千餘人維繫其

閒幸回衆紛紛來營請撫兩月以來尙無挫失

合無仰懇

天恩飭令山西巡撫將欠解臣營月餉迅速批解以濟

要需均奏入

上命軍機大臣傳諭都興阿穆圖善楊岳斌成祿日黎

獻一軍向尙得力此次進剿肅州逆匪因火藥失火

延燒後路糧臺又被匪攻破軍心不固旋卽潰散該

道員督率無方著先行摘去翎頂以示薄懲現在官

兵新挫逆燄愈張該營存兵僅止二千餘名難成勁

旅著楊岳斌一面責成黎獻收撫潰卒會合各軍協

力堵剿重振軍威一面卽飭總兵王仁和管帶之軍

迅速由平番一路節節進剿以爲西軍後路聲援此


時河西三郡賊勢日益蔓延若不早籌掃蕩恐與關



外之賊連成一氣收拾更難楊岳斌務當統籌全局  
選派得力將弁添調勁兵實力進剿無誤事機成祿  
一軍疊次勦賊不無微勞出力陣亡各員本日業經  
明降諭旨分別獎卹矣該提督現在已抵涼州著卽  
督率所部迅速西行儻再藉詞逗留定行從重治罪  
聯捷所部各營前已有旨併歸成祿統帶著卽催令  
前進毋任遷延鶴齡一軍前經楊岳斌奏請留於甘  
肅未經允准著楊岳斌仍遵前旨嚴催鶴齡一軍隨  
同成祿星速啟行所有成祿等軍餉需除已飭四川  
山西籌解外楊岳斌亦當設法源源撥濟俾利邁行  
毋令該軍士等有所藉口南山賊匪竄逼永昌成祿  
已飭馬天祥等軍拔隊赴援並著楊岳斌分兵兼顧  
毋使滋蔓降調鎮迪道文麟前已令其隨同成祿出  
關茲據成祿奏稱請於甘肅藩臬中派一人總理該

提督糧餉事務並令文麟督辦行營糧臺設局轉運  
 等語著楊岳斌酌量辦理甯靈攻剿亦甚緊要成祿  
 所請飭都興阿派撥馬隊之處著毋庸議至聯捷所  
 稱甘肅回目穆生花陝西回目孫義章率領各路回  
 目遞稟投誠並甯靈兩城回民稟請求撫由聯捷將  
 各回首稟詞鈔錄進呈著都興阿穆圖善楊岳斌斟酌  
 情形辦理此等回衆如係甘心倡逆或曾經踞城  
 戕官焚掠殘殺及屢經投誠反覆難信者罪在不赦  
 斷不可輕行議撫致貽後日無窮之患若其中果有  
 畏禍被脅出於勢不得已者自應准其投誠以示區  
 別總須詳加察看分別良莠不可豫存成見

上又命軍機大臣傳諭王榕吉日成祿一軍現由涼州  
 進紮肅州餉項既虞支絀運道尤恐阻滯設因軍食  
 不繼致令軍士枵腹荷戈何以收飽騰之效著王榕



吉將應解成祿之餉查明數目按期報解卽由草地  
迅速解赴成祿軍營以免阻隔聯捷現已降爲藍翎  
侍衛歸成祿調遣並所部兵勇均歸成祿統帶所有  
山西應解聯捷之餉卽著統交成祿支放其各省應  
解聯捷成祿兩軍餉銀由山西經過者俟行抵該省  
時卽由該護撫傳知各省委員改由草地趕緊解赴  
成祿軍營毋稍濡滯山西所解火藥鉛丸等項於八  
月杪起程迄今尙未到營是東路梗阻勢難繞越著  
王榕吉嗣後將應解成祿軍火等項併各省應解軍  
火概由草地徑解成祿軍營俾免耽延而資利用  
上諭內閣曰甘肅逆回分股赴犯涼州經成祿派兵迎  
剿槍礮齊施殺斃賊匪二千餘名奪獲軍械無算勦  
辦尙爲得手在事將弁均屬著有微勞自應量予鼓  
勵副將趙德正著交軍機處記名遇有總兵缺出請

平定陝甘新疆回匪方略

十四